

五十二之書叢小醫國

霍

亂

平

議

凌禹聲著

上海國醫書局印行

霍亂平議

上海凌禹聲著

▲緒言

靈樞解精微論曰。夫百病之始生也。皆生於風雨寒暑。陰陽喜怒飲食居處。霍亂者。卽陰陽撩亂之病。其原因甚多。而後之論者。各以其經驗所得。或謂寒。或謂熱。執此以爲病之主因。於是立說等諸冰炭治法。判名天淵。若趨極端。似失之偏。有調停其說者。謂此病盛於夏秋。皆由暑濕所致。其中有寒化熱化之分。執中爲近之。然以暑濕爲致病之由。猶是局部之論。似失之隘。其病在不問證之如何分別。一

上海中醫書局最近出版醫書

■ 診斷類

診斷大綱
秦校脉學

秦伯未
李瀕湖

鉛印 平裝 一冊 二角
鉛印 平裝 一冊 一角

六折 六折

■ 雜書類

烏瞰的中醫
歷代醫學之發明
國醫小史
醫學筆塵

許半龍
王吉民
秦伯未
王肯堂

鉛印 平裝 一冊 二角
鉛印 平裝 一冊 三角五分
鉛印 平裝 一冊 二角
鉛印 平裝 一冊 四角

六折 六折 六折 六折

■ 掛圖類

銅人經絡圖
骨度部位圖
每組四張附說明書一冊

赤城醫廬製 彩色石印

一元

七折

■ 雜誌類

中醫世界

秦伯未

主編

每二月一期雙月一日出版

(第一年已出齊)
每期二角全年一元一角

家庭醫學雜誌

方公溥

每二月一期單月一日出版

每期一角
全年五角 (郵費均六分)

上海中醫書局最近出版醫書

內科類

百病通論
秦批全生指迷方
秦校筆花醫鏡
重校瘋癆臟腑辨
醫學見能
燥氣總論

秦伯未
王 貺
江筆花
林翼臣
唐容川
陳葆善

鉛印
石印
鉛印
鉛印
石印
鉛印

平裝
本裝
平裝
平裝
本裝
平裝

一冊
一冊
一冊
一冊
一冊
一冊

二角
三角
一角五分
一角
四角
五角五分

六折
六折
六折
六折
六折
六折

外科類

馬評外科全生集
七十四種疔瘡圖說
外科真銓
外科學大綱
藥竅啓秘

王洪緒
葉 氏
鄒五峯
許半龍
許半龍

鉛印
石印
鉛印
石印
鉛印

平裝
本裝
平裝
本裝
平裝

一冊
一冊
二冊
一冊
一冊

二角
一角
一元四角
五角
七角

六折
六折
六折
六折
六折

針灸傷科類

秦校刺疔捷法
傷科大成

張 鏡
趙竹泉

石印
鉛印

本裝
平裝

一冊
一冊

一角
三角五分

六折
六折

於寒熱中討生活。不知病變無常。寒中有熱。熱中有寒。徐洄溪謂一病之中。亦有朝苓連而暮附桂者。若欲執一說以貫通。則顧此失彼。未免捉襟而見肘。雖欲自圓其說。亦徒亂人之耳目。後學讀之。仍無主腦。以余卅餘年之經驗。覺是病之由來。於夏秋之時。氣交生變。人處其中。偶一不慎。而病霍亂者爲多數。更有疫氣從口鼻氣道而達血管。苟正氣不充之人。立時發病。是爲痧氣霍亂。陳修園亦謂此病在無形之氣化。不關有形之寒熱。故我謂與其論寒熱。而徒滋紛擾。不若分種類以清徑途。蓋病之現象雖同。而變遷無定。性質各異。所謂寒熱者。亦隨其症以發現而已。試舉例以明之。王勳臣謂苓連效

在初病人時毒盛時。姜附效在毒敗。人弱氣衰時。此一病而前後不同也。吳鞠通謂霍亂服生薑湯必死。而人之議其後者。謂生薑止嘔聖藥。霍亂服薑湯而嘔定者。所在多有。斥吳氏爲妄言。固亦言之成理。然則吳氏真妄言與非也。蓋吳所稱之霍亂。乃亦氣之一種。確不可服生薑湯。惟吳氏混言霍亂。不明指病情。是以受人之斥。此證同而來源不同也。以上兩端。皆霍亂之危證。一則變化之速。一則性質之殊。苟或執一而誤治。生死隨之。觀乎此。則霍亂種類之分。不容緩矣。而諸家之說。亦從此可平矣。

▲霍亂之病源與種類

霍亂何以不名吐瀉。顧名思義。實指原證而言。猶頭痛身熱之名。傷寒也。難經云。傷寒有五。而我謂霍亂亦有五。風寒暑濕疫五氣是也。一燥火統屬於暑。五氣之偏。升降失司。亂於腸胃。其不嘔不瀉者。名乾霍亂。其嘔瀉者。名霍亂吐下。試舉內經以證之。陰陽應象大論曰。春傷於風。夏生飧泄。是病由伏氣而發。又風留腸中。則爲飧泄。是病由時感而發。此皆風之類也。仲景傷寒霍亂門。有熱多欲飲水者。五苓散。寒多不欲飲水者。理中湯。是寒之類也。六元正紀大論曰。不遠熱則熱至。熱至則身熱。霍亂吐下。是暑之類也。又太陰所至爲霍。霍吐下。又土鬱之發爲嘔吐。霍亂是濕之類也。素問補遺刺法論曰。

五疫之至。皆傷染易。無問大小。病狀相同。又西醫驗虎列拉菌。爲眞性霍亂。是皆疫之類也。夫風寒暑濕常氣也。疫者惡毒之氣也。常氣之霍亂。不必有疫。疫氣之霍亂。或兼風寒暑濕。古書所載。以常氣爲多。其病多起於夏秋濕土主政。少陽主氣之時。三氣雜亂之時。人在氣交之中。腸胃易生變化。有因風寒而發者。有因暑濕而發者。有因瓜果生冷而發者。雖種種病狀不同。然俱屬尋常之氣。未必傳染。西醫余雲岫先生。謂中醫籍中。有所謂濕霍亂。暑霍亂者。其病狀至無一定。所同者惟吐瀉耳。核其病。大抵爲夏秋之急性腸炎。濕云暑云者。皆就其兼證而言之。故古之所謂霍亂。非今之所謂霍亂也。此言

常氣之異於疫氣也。若夫因疫氣而發者。內有風寒暑濕之奧援。其發也必多兼證。若無奧援。惟外顯痧狀。醫林改錯。謂疫氣由氣管而達血管。將氣血淤滯壅塞津門。水不得出。故上吐下瀉。試看針刺而愈者。所流盡是紫黑血。豈非由瘟毒燒煉而成。西醫謂霍亂乃時疫之一種。俗名鬼偷肉。轉腿肚。又吊脚癰瘰等稱。統名之爲發急痧。皆是痧脹。玉衡謂痧症。先吐瀉而心腹絞痛者。從穢氣痧發者多。先心腹絞痛而吐瀉者。從暑氣痧發者多。心胸昏悶。痰涎膠粘。從傷暑伏熱痧發者多。徧身腫脹。疼痛難忍。四肢不舉。舌強不言。從寒氣冰伏。過時鬱爲火毒而發痧者多。徐洄溪有寒霍亂。百不得一之說。劉守

眞喻嘉言王孟英。皆主熱。因張路玉謂口渴。卽是伏熱。吳鞠通謂霍亂服生薑湯必死。〔服熱湯痧毒結塊〕諸子者。皆大名鼎鼎之人。豈不知此證非出一途。而必詳言其熱者。蓋指大多數之疫氣者言。疫氣多熱。其爲霍亂也。外似陰證。人易混淆。故不憚言之諄諄。然諸子中。惟王勳臣郭右陶。直言其痧。先施括放。最爲明瞭。其餘都不分種類。混入暑濕門中。故啓人之疑。且於邪正兩敗。元氣欲脫之時。恐自相矛盾。不敢如王勳臣之申明附桂回陽之法。遇有用附桂而愈者。歸入寒霍亂門中。一病也。而前後之治法。分爲兩門。故孟英熱霍亂諸方。後人嫌其無起死回生之效。俞鳳賓先生。謂絞腸痛瘰吊脚。

等徵。爲真性霍亂之病狀可知。西醫所謂虎列拉者。卽中醫之乾霍亂與疫霍亂也。兩證一閉一泄。異流而同源。能於類似之中別其性質。方無誤治。審是則寒熱之說。不足爲辨證之法矣。

▲霍亂之病狀與治法

霍亂之類。旣如上述。而其病狀與古人之治法。可略舉言之。因風而發者。必身熱頭痛無汗。六和桂枝之類。若身熱有汗。兼伏氣者。駕輕湯黃芩湯之類。因寒而發者。必舌白不渴。便清腹陣痛。輕則霍亂正氣散。重則四逆理中之類。因暑而發者。必便黃赤而臭。大渴面赤。輕則黃連香薷飲。重則竹葉石膏湯之類。因溼而發者。必舌膩胸悶。或

身重節痛。無熱不換金正氣散。有熱五苓散之類。更有寒濕相兼。暑濕相兼。風暑相兼。風溼相兼。當隨症變通。王孟英霍亂論方。亦可採用。兼痧者。先治痧。認病清楚。不愁藥之不效也。此皆尋常之霍亂。至於疫氣。仲景未嘗論及。有謂經兵燹而散失者。又謂疫氣霍亂。卽痧氣症。傳自番邦。又謂發原於印度。中國古無是證者。姑不具論。但內經有五氣之疫。大抵互相傳染。遠近相同。是疫病自古皆有。惟現症不同耳。試舉其類而言之。有寒熱壯盛。頭痛如劈。身如被杖。腹痛吐瀉。萬人一轍者。此余師愚之所謂火疫。卽暑疫也。治以清瘟敗毒散之類。有面色青慘。腹中攪痛。四肢逆冷。頭汗如雨。頭痛如劈。脈細數。

或沉伏。欲吐不吐。欲瀉不瀉。毒邪內閉。斃不終朝。此郭右陶之所謂絞腸痧。卽乾霍亂也。先用括放。以泄營毒。燒鹽湯探吐。以去宿食。然後審其痰血所阻。用紫朴湯之類。若暑熱內閉。紫雪丹之類。如得一卽定。若無頭痛而脣白喜熱。按乃陰寒之證。有邪伏募原。身熱胸悶。或嘔吐或泄瀉。舌白如粉。此吳又可之所謂瘟疫。卽濕疫也。方用達原飲。審其三陰三陽。見證加減之。濕盛藿香正氣散。熱盛白虎承氣皆可用。有以瀉一陣緊一陣。四肢厥逆。口渴喜涼。飲熱則吐出。面目指甲。漸呈青黯色。尋至手足轉筋。目陷聲嘶。身冷如冰。而不知寒。鼻竅不塞而無嚏。瀉如米汁而腹不痛。大汗如漿。肌肉消脫。種種血瘀。

之象。此王勳臣之所謂瘟毒霍亂也。初起邪在氣分。宜先括痧。邪入營分。宜針刺胳膊肘裏灣處。流去紫黑血。又以熱酒頻擦手足轉筋處。飲以陰陽水。一面用解毒活血湯以活其血而解其毒。吐瀉卽止。未有一藥而愈也。總之先治其痧。其餘可迎刃而解矣。若至大汗如漿。身冷如冰。危證悉備之時。則謂針刺有害。卽活血解毒亦有過無功。此時無論舌乾口燥。大渴引飲。一時飲水數碗。放心用薑附回陽湯。冷服一付。可以奪命。此法非淺醫所能知等語。蓋是時正氣外脫。方內黨參附子俱用至八錢。所以挽回元陽。非溫其寒也。不可認爲真寒。此證陽回之後。有卽愈者。有伏邪再發爲斑爲疹者。仍宜清

涼解毒。甚有用竹葉石膏湯。繼以養陰收功者。故此證用四逆輩治。愈者。勿謂其證必屬寒。用竹葉石膏收功者。勿追悔用四逆之失。誠以病變無定。原有如是之程序也。然則尋常霍亂。與疫氣霍亂。何以辨之。曰。在西醫以有菌者。爲真性霍亂。中醫以有痧筋及嚼黃豆吞明礬等。失其常味者。爲有疫。更有霍亂發時。恣食生冷。痧毒冰伏。呃逆頻作。喜飲熱湯。是疫霍亂之兼寒者。先用辟瘟丹三香丸之類。以暫開之。然後放其痧筋。隨症施治。又初起時。卽六脈沉伏。頭痛如破。身冷如冰。色如蒙垢。舌白如霜。飲熱畏冷。毒邪隱伏。陽症似陰。宜清其裏而斑疹始現。若投附桂。斃不終朝。是暑疫霍亂之挾穢濁者也。

更有但嘔而利不多。但利而嘔不爽。或腹病而下點滴之血。或腕痛而吐鮮濃之紅。或腰折。或脅痛。皆疫毒滯於一偏。挾感而作。當先以治疫法治之。不可不知。至於西法驗菌。又用鹽水針。注入靜脈。逐去血中之毒。是可抵中醫之放痧。是以亦有愈者。若過此時期。而入於危境。誠如寄瓢室所謂。毫無寸效矣。（見中醫雜誌廿一期）西醫丁惠康君。謂血液亡去多量之水。而於短時期間補足其水分。舍注射鹽水外。別無他法。彼蓋認鹽水注射。爲償失之用。而無治病之法。誠哉其無法也。又謂用四逆等湯灌之。大抵胃不能受。立即吐盡。或幸而胃能受納。一入腸中。亦將盡數瀉出云云。（見雜誌廿四期）

不知凡病由氣化而生。若果欲脫。投以溫補。則陽和一轉。萬象皆春。自古以來。治愈者奚止億萬。而以迹象求之。何怪其有是言也。故治病當求真諦。不可徒狃外觀。楊朱之衣黑出而白入。其犬吠焉。此狃於外觀之說也。上哲論道。下士聞而大笑。此不明真諦之說也。故經云治病必求其本。此論所以不多引成方。以病變無常。當隨機應變。未便印定後人眼目也。

▲霍亂證象解

霍亂統名也。而辨別病原。可於證象求之。茲略舉常現之象。設爲問答以明之。問霍亂之嘔吐下利。何氣使然。曰經云。太陰所至爲霍亂。